



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1620 usque ad annum 1623

**Fleury, Claude**

**August. Vind. [u.a.], 1777**

**VD18 90118855**

§. 52. Philippi III. Hispaniarum Regis obitus.

---

[urn:nbn:de:hbz:466:1-67344](https://nbn-resolving.org/urn:nbn:de:hbz:466:1-67344)

Sæc. XVII. Regis præjudicium vergeret. Tandem  
A. C. 1621. Rege vehementius obfistente, ac Er-  
 nesto Schaumburgo anno sequenti e  
 vivis sine prole sublato tota lis sopita est.

## §. LII.

*Philippi III. Hispaniarum Regis  
obitus.*

*Ferrar. con-* Fluxerat postrema Mensis Martii dies,  
*tin. tom. II.* quæ etiam ultima erat vitæ Phi-  
*p. 345.* lippi III. Hispaniarum Regis. Hic in  
*Brachel.* die Cinerum vigesima quarta Februarii  
*Hist. l. I.* in Madritensi urbe concioni a Patre Hie-  
*Merc. Gal-* ronimo Florentia habitæ interfuit, inde  
*lob. t. 9. l. 2.* vero redux usque ad vigesimam septi-  
*Meteran.* mam Martii gravi febris jactabatur, mor-  
*Hist. Belg.* tisque periculum, quod Medici longe  
*l. 4. p. 330.* abesse testabantur, propius imminere  
*Bellus laur.* sentiens, ad ultimam luctam sese ac-  
*Austr. p. 524.* cingere statuit: Præprimis igitur te-  
 stamentum suum conscripsit, cujus exe-  
 cutionem Lermæo Cardinali, a quo ob  
 illatas injurias veniam petiit, necnon  
 Uzedæ Duci, P. Aliagæ, quem a con-  
 fessionibus habuit, & Castellæ ac Ar-  
 ragoniæ Præsidibus demandabat: se-  
 quenti die Philippum Filium suum ac-  
 cersens hortatus est, ut consilium sibi  
 non ita pridem a Gregorio XV. datum  
 de Valtelina reddenda exequeretur,  
 & Ministris suis utpote experientia &  
 dexte-



dexteritate probatis uteretur, demum Sæc. XVII.  
A. C. 1621.  
 datis eidem pluribus aliis monitis paternis Filio suo Christi crucifixi imaginem, qua Carolus V. & Philippus II. in agone utebantur, destinavit, ceterisque omnibus prolibus suis supremum vale dicens, Regiæ suæ portas aperiri, ac liberum cuivis aditum concedi jussit, moxque obortis lacrimis adstantes allocutus, *miserum*, inquit, *intuemini Regem vestrum, qui piorum operum fructu vacuum duxit vitam: misere-  
mini mei, & misericordiam, malæque voluntatis veniam a Deo pro salute mea exposcite.* His dictis coram conscientia suæ arbitrio negotium orditur ponderosissimum, totius præteritæ ætatis accusationem: qua facta interdum, resonante manus ictu, pectus & præcordia tanquam per criminum vindictam afflictabat, totusque erat in poenitudine delictorum, & melioris vitæ proposito: ubi vero dies trigesima prima Martii illuxerat sacro moriturientium Viatico munitus, sancto oleo ad luctam roboratus est, postea ne momento quidem suum Confessarium, & Villiesgeum Toletani Archiepiscopi Vicarium a suo lecto abesse voluit, ut ipsum in preces & lacrimas effusum adjuvarent: hora demum nona matutina repente Regem linquere vitalis calor cæpit, ac pallore



Sæc. XVII. A. C. 1621. lore, sudoreque gelido totam sublu-  
corpus, oculorum acies hebetari, &  
contentiosius, laboriosiusque meatus  
animæ trahere, ac tandem post inter-  
necinum totius halitus silentium ex-  
pirare. In hunc igitur modum diem  
supremum explevit Philippus Rex, ani-  
mi dotibus longe præstantissimus, con-  
tinentia Virgo, pietate in subditos Pa-  
ter, liberalitate erga pauperes & mi-  
seros Mater, ac denique Princeps suo  
ævo nulli secundus, si solus regnasset,  
nec clientum suorum favore fascinatus  
Regem exuisset. Explevit vitæ annos  
quadraginta tres, Regis sui viginti tres:  
Primis nuptiis ex Margaritha Caroli  
Archiducis Austriæ Filia suscepit  
Philippum IV. Regni sui Successorem,  
Carolus, qui vigesimo quinto ætatis  
sue anno decessit, Ferdinandum Caro-  
lum Belgii Governatorem anno mille-  
simo sexcentesimo quadagesimo pri-  
mo mortuum, & denique Alphonsum  
nonnisi unius anni Infantem. Duas  
quoque habuit Filias Annam Mariam  
Ludovico XII. nuptam, & Mariam  
Annam Ferdinando III. Imperatori de-  
sponsatam.

§. LIII.

*Alberti Archiducis Legatio ad Ba-  
tavos.*

Inte-